

ՀԱՍՏԱՏՎԱԾ Է

ԱԶԱԿՑՈՒԹՅՈՒՆ ՊՐՈԲԱՑԻԱՅԻՆ ազգային ցանցի  
հիմնադիր համաժողովի 19 հուլիսի 2018 թվականի թիվ 2 որոշմամբ  
ԱԶԱԿՑՈՒԹՅՈՒՆ ՊՐՈԲԱՑԻԱՅԻՆ Ազգային ցանցի նախագահ

**ԱԶԱԿՑՈՒԹՅՈՒՆ ՊՐՈԲԱՑԻԱՅԻՆ ԱԶԳԱՅԻՆ ՑԱՆՑԻ ԵՎ ՑԱՆՑԻ ՀԻՄԱՆ ԿՐԱ ՍՏԵՂԾՎԱԾ  
ԴԻՏՈՐԴԱԿԱՆ ՄԱՐՄԻՆՆԵՐԻ  
ԷԹԻԿԱՅԻ ԿԱՆՈՆՆԵՐ**

1. Սույն կանոնները կոչված են սահմանելու Աջակցություն պրոբացիային Ազգային ցանցի անդամների և Ցանցի հիման վրա ստեղծված դիտորդական մարմինների վարքագծի միասնական չափորոշիչները և էթիկայի նորմերը:
2. Հիմնական հասկացությունները`
  - ա) Ցանց` քաղաքացիական հասարակության կազմակերպությունների Աջակցություն Պրոբացիային ազգային ցանց
  - բ) Դիտորդական մարմին` Ցանցի կառավարման խորհրդի կողմից ձևավորված մշտական և/կամ ժամանակավոր դիտորդական առաքելություն իրականացնող խումբ (խմբեր)
  - գ) Դիտորդական մարմնի անդամ` Ցանցի կառավարման խորհրդի կողմից ձևավորված մշտական և/կամ ժամանակավոր դիտորդական խմբերում դիտորդական առաքելություն իրականացնող Ցանցի անդամի ներկայացուցիչ
  - դ) Կառավարման խորհուրդ` Ցանցի ղեկավար մարմին

## **I. ՀԻՄՆԱՐԱՐ ՍԿԶԲՈՒՆՔՆԵՐ**

### **3. ՀԱՐԳԱՆՔ ՀԱՄԱՆԴՅԱՆՈՒՐ ԲԱՐՈՅԱԿԱՆ ԱՐԺԵՔՆԵՐԻ ՆԿԱՏԱՄԲ**

**3.1** Ցանցն իր գործունեության ընթացքում պետք է

- ա) զերծ մնա նախապաշարմունքային վերաբերմունքից` ազգային, ռասայական, կրոնական, սեռական, տարիքային, ֆիզիկական և/կամ մտավոր արատների, սոցիալական կարգավիճակի հիմքով
- բ) զերծմնա որևէ հիմքով անհանդուրժողականություն քարոզելուց
- գ) բացառի որևէ հիմքով խտրական վերաբերմունքը
- դ) բացառի աստելության խոսքը

### **4. ՀԱՐԳԱՆՔ ՄԱՐՂՈՒ ԻՐԱՎՈՒՆՔՆԵՐԻ ՆԿԱՏԱՄԲ**

**4.1** Ցանցի անդամը պարտավոր է

- ա) հավատարիմ լինել մարդու իրավունքների հիմնարար արժեքներին, մասնավորապես հարգել անձի` մասնավոր կյանքի անձեռնմխելիության իրավունքը, այդ թվում` նամակագրության, անձնական և ընտանեկան կյանքի գաղտնիության, բնակարանի և այլ սեփականության անձեռնմխելիության սկզբունքները
- բ) հավատարիմ լինել անմեղության կանխավարկածի սկզբունքին, արդար դատաքննության իրավունքի պահպանմանը
- գ) չչարաշահել անձանց ոյուրահավատությունը և վստահությունը
- դ) առանձնահատուկ նրբանկատություն դրսևորել, եթե աշխատում են անչափահասների և երեխաների հետ

ե) անչափահասների վերաբերյալ տեղեկատվություն, տվյալներ հավաքագրելուց առաջ անչափահասին հասկանալի/մատչելի լեզվով բացատրել տեղեկատվության անհրաժեշտությունը և ստանալ նրա և նրա համար պատասխանատու անձի համաձայնությունը՝ ցանկալի է գրավոր: Համաձայնությունը պետք է լինի կամավոր և բացառվի պարտադրանքի որևէ ձև: Անչափահասի հետ զրուցելիս փորձել հնարավորինս խուսափել նրան հոգեկան տառապանք պատճառելուց՝ պայմանավորված ինչ-որ տեղեկություններ ստանալու անհրաժեշտությամբ:

## **5. ԱՆԿԱՆՈՒԹՅՈՒՆ**

**5.1** Ցանցը և Ցանցի հիման վրա ստեղծված դիտորդական մարմիններն իրենց գործունեության ընթացքում առաջնորդվում են ՀՀ Սահմանադրությամբ, ՀՀ օրենսդրությամբ, Ցանցի կանոնադրությամբ և սույն էթիկայի կանոններով:

**5.2** Ցանցը և Ցանցի հիման վրա ստեղծված դիտորդական մարմիններն իրենց պարտականություններն իրականացնելիս պետք է անկախ լինեն, չհետապնդեն անձնական և/կամ որևէ պետական, քաղաքական և այլ շահ, ինչը կարող է կաշկանդել ցանցի անդամին իր գործունեության մեջ:

**5.3** Ցանցը և Ցանցի հիման վրա ստեղծված դիտորդական մարմինները պետք է հրաժարվեն իրենց գործունեությամբ պայմանավորված իրենց առաջարկվող պարզևատրումներից, նվերներից, արտոնություններից, որոնք կախյալ են դարձնում նրանց, բացասաբար անդրադառնում Ցանցի անդամների, Ցանցի կառավարման խորհուրդի և Ցանցի քարտուղարության հեղինակության վրա, ինչը կարող է հանգեցնել Ցանցը և Ցանցի հիման վրա ստեղծված դիտորդական մարմինների նկատմամբ վստահության կորստի:

## **6. ԱՆԿՈՂՆԱԿԱՆՈՒԹՅՈՒՆ**

**6.1** Ցանցը և Ցանցի հիման վրա ստեղծված դիտորդական մարմինները պետք է խուսափեն շահերի բախման իրավիճակում հայտնվելուց: Շահերի բախում կարող է առաջանալ այն դեպքում, եթե անդամն ունի անձնական շահագրգռվածություն, ինչը կարող է խաչընդոտել նրա պարտականությունների պատշաճ կատարմանը: Շահերի բախում առաջանալու դեպքում անդամը պարտավորվում է դրա մասին անհապաղ տեղեկացնել էթիկայի հանձնաժողովին: Էթիկայի հանձնաժողովը պարտավորվում է անհրաժեշտ միջոցներ ձեռնակել՝ շահերի բախումը վերացնելու ողջությամբ:

## **7. ԱՆԱՉԱՌՈՒԹՅՈՒՆ**

**7.1** Ցանցը և Ցանցի հիման վրա ստեղծված դիտորդական մարմինները պարտավոր են չկոծկել և/կամ չխեղաթյուրել փաստերը, իրենց հաշվետվություններում չներառել ակնհայտ կեղծ տեղեկություններ:

**7.2** Ցանցը և Ցանցի հիման վրա ստեղծված դիտորդական մարմինները պետք է հարգալից վերաբերմունք դրսևորեն Քրեակատարողական ծառայության, Պրոբացիայի ծառայության, դատարանների և բոլոր այն մարմինների և անձանց նկատմամբ, որոնց հետ առնչվելու են իրենց պարտականություններն իրականացնելիս:

## **8. ԲԱՐԵՆՂՃՈՒԹՅՈՒՆ**

**8.1** Իրենց պարտականությունները կատարելիս Ցանցը Ցանցը և Ցանցի հիման վրա ստեղծված դիտորդական մարմինները պետք է նպաստեն Ցանցի նկատմամբ վստահության և հարգանքի ձևավորմանն ու ամրապնդմանը:

8.2 Ցանցը և Ցանցի հիման վրա ստեղծված դիտորդական մարմինները պարտավորվում են բարեխղճորեն կատարել իրենց պարտականությունները և զերծ մնալ այնպիսի գործողություններից, որոնք կարող են կասկածի տակ դնել նրանց և Ցանցի հեղինակությունը, անաչառությունը, ազնվությունն ու անկախությունը:

## 9. ԳԱՂՏՆԻՈՒԹՅՈՒՆ

9.1 Ցանցը և Ցանցի հիման վրա ստեղծված դիտորդական մարմիններն իրենց պարտականությունները կատարելիս կարող են անձնական կյանքին վերաբերող տեղեկություններ ստանալ, որոնք պարտավորվում են որևէ պարագայում չբացահայտել երրորդ անձանց: Ցանցը և Ցանցի հիման վրա ստեղծված դիտորդական մարմնի անդամների գործունեության արդյունքում ստացված անձնական բնույթի տվյալները կարող են հրապարակվել բացառապես շահառուի համաձայնությամբ:

9.2 Ցանցը և Ցանցի հիման վրա ստեղծված դիտորդական մարմինները պատկան մարմինների հետ զրույցում հնարավորինս պետք է խուսափեն անձնական կյանքին վերաբերող տեղեկատվություն հայտնելուց, զգույշ լինեն եզրակացություններ ձևակերպելիս:

9.3 Ցանցը և Ցանցի հիման վրա ստեղծված դիտորդական մարմիններին արգելվում է հրապարակել կամ ոչ աշխատանքային նպատակով և/կամ իրենց անձնական շահերի համար օգտագործել իրենց պարտականությունները կատարելիս իրենց հայտնի դարձած տեղեկատվությունը կամ տեղեկատվական կրիչները (փաստաթղթեր, տեսա-ձայնասկավառակներ, ֆոտոներ և այլն):

9.4 Գաղտնիության սկզբունքը չունի ժամանակային սահմանափակում: Ցանցը և Ցանցի հիման վրա ստեղծված դիտորդական մարմինները պարտավորվում են դիտորդությունն ավարտելուց հետո չօգտագործել իրենց պարտականությունները կատարելիս իրենց հայտնի դարձած տեղեկատվությունը:

9.5 Տեղեկատվության բացահայտումը թույլատրելի է բացառապես Օրենքով ուղղակիորեն նախատեսված դեպքերում:

## 10. ԹԱՓԱՆՑԻԿՈՒԹՅՈՒՆ

10.1 Թափանցիկությունն ապահովվում է հասարակությանը Ցանցի գործունեության, ինչպես նաև Զրեակատարողական ծառայության, Պրոբացիայի ծառայության և դատարանների աշխատանքների մասին հաշվետվություններ ներկայացնելու միջոցով:

10.2 Ցանցը և Ցանցի հիման վրա ստեղծված դիտորդական մարմինները չպետք է Ցանցի սեփականությունը, ինչպես նաև իրենց տնօրինմանը հանձնված նյութական արժեքներն օգտագործեն իրենց անձնական նպատակների համար:

## II. ՑԱՆՑԻ ԷԹԻԿԱՅԻ ՀԱՆՁՆԱԺՈՂՈՎ

11. Էթիկայի կանոնների պահպանման համար պատասխանատու է Ցանցի Էթիկայի Հանձնաժողովը:

12. Եթե Ցանցի անդամը չի կողմնորոշվում, թե ինչպիսի վարքագիծ դրսևորել որոշակի իրավիճակում, ապա նա պետք է դիմի Ցանցի Էթիկայի Հանձնաժողովին համապատասխան եզրակացության ստանալու համար: